

Na osnovu člana 69. stav 2. tačka d), člana 70. stav 4. i 6., u vezi sa članom 72. stav 3. tačka b) Zakona o javnim nabavkama („Službeni glasnik BiH“, broj 39/14), te na osnovu preporuke Komisije za javne nabavke, a po provedenom postupku za nabavku roba - sredstava za deratizaciju, dezinfekciju i dezinfekciju: LOT 5: Sredstva za dezinfekciju, direktor JU Institut za zdravlje i sigurnost hrane Zenica donosi

ODLUKU o poništenju postupka javne nabavke

Član 1.

Poništava se Odluka o izboru najpovoljnijeg ponuđača broj 02-3739/20 od 26.11.2020. godine iz razloga što je izabrani ponuđač DEFTER D.O.O. SARAJEVO propustio da u ostavljenom roku dostavi dokumentaciju koja je bila uslov za potpisivanje ugovora.

Član 2.

Poništava se postupak javne nabavke roba- **sredstava za deratizaciju, dezinfekciju i dezinfekciju: LOT 5: Sredstva za dezinfekciju** u skladu sa članom 69. stav 2. tačka d), odnosno iz razloga što nijedna od primljenih ponuda nije prihvatljiva.

Član 3.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 4.

Ova odluka objavit će se na web-stranici ugovornog organa (www.inz.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 5.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-3148/20 od 08.10.2020. godine. Postupak nabavke je proveden otvorenim postupkom za koji je objavljeno obavještenje o nabavci broj: 7126-1-1-189-3-35/20 objavljeno 13.10.2020. godine na Portalu javnih nabavki. Postupak nabavke provela je Komisija za javne nabavke imenovana Rješenjem broj: 02-3149/20 od 08.10.2020. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da su za LOT 5. ukupno pristigle 3 ponude;
- da su blagovremeno zaprimljene 3 ponude;
- da nije bilo neblagovremenih ponuda;
- da je jedna ponuda odbačena kao neuredne u skladu sa članom 68. ZJN BiH;

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Komisija za javne nabavke je prilikom ocjene ponuda utvrdila da ponuđač AL-PHARM d.o.o. Zenica nije uvezao ponudu po propisu iz tačke 4.1. TD-e, odnosno dostavljena dokumentacija ovog ponuđača nije uopšte uvezana na bilo koji način, zbog čega je ponuda odbačena kao neprihvatljiva i nije uzeta u dalje razmatranje. Nakon provedene e-aukcije, Komisija je izvršila rangiranje ponuđača po utvrđenom kriteriju za dodjelu ugovora i to kako slijedi:

LOT 5: Sredstva za dezinfekciju

Rang	PONUĐAČ	CIJENA BEZ PDV-a	PREFERENCIJALNI TRETMAN	CIJENA BEZ PDV-a (nakon primjene preferencijalnog tretmana)
1.	ITR d.o.o.	6.211,60	DA	4.348,12
3	DEFTER D.O.O.	8.993,30	NE	8.993,30

Ugovorni organ je dana 05.11.2020. donio Odluku broj 02-3519/20, kojom je kao najpovoljnijeg ponuđača odabrao ponudu ponuđača ITR d.o.o.. Nakon prijema Odluke o izboru najpovoljnijeg ponuđača, ponuđač ITR d.o.o. je dostavio dokumentaciju koja nije sadržavala Kopiju Rješenja/Uvjerenja/Potvrde nadležne institucije u Bosni i Hercegovini (Federalno Ministarstvo zdravstva ili druga nadležna institucija) o dozvoli za upotrebu i promet u Bosni i Hercegovini proizvoda koji su predmet nabavke. Naime, ponuđač je dostavio rješenja o prometu za proizvode na bazi hlordioksida (dioxy activ supra, dioxy activ sandez i aqua dez), koji nije aktivna materija tražena tenderskom dokumentacijom.

Tenderskom dokumentacijom su tražena sredstva na bazi etanola, izopropanola, didecildimetilamonijevog klorida, benzalkonijklorida i vodonik peroksida, pa shodno tome proizvodi na bazi aktivne materije hlordioksid nisu prihvatljivi za ugovorni organ, zbog čega je utvrđeno da ovaj ponuđač nije postupio u skladu sa uslovima propisanim tenderskom dokumentacijom. Izabrani ponuđač nije dostavio u ostavljenom roku dokaz o dozvoli za upotrebu i promet u Bosni i Hercegovini proizvoda koji su predmet nabavke, odnosno nije dokazao da za proizvode koje je ponudio ima odobrenje za upotrebu, te da ti proizvodi odgovaraju tehničkoj specifikaciji koja je postavljena u tenderu. Stoga je ugovorni organ postupio u skladu sa odredbom 3.4.2. Tenderske dokumentacije broj 02-3151/20 od 08.10.2020. godine gdje je propisano da ukoliko navedeni dokument ne bude dostavljen do momenta zaključenja ugovora, ugovor će se dodjeliti sljedeće rangiranom ponuđaču koji dostavi ovaj dokument.

Kako je u Obavijesti o rezultatima postupka javne nabavke broj 02-3514/20 od 05.11.2020. godine ponuđačima ostavljen rok od 15 dana od prijema Obavijesti da dostave traženu dokumentaciju, te kako je ponuđač ITR doo istu zaprimio 09.11.2020. godine, to je istekom roka, poništena prvobitna Odluka o izboru najpovoljnijeg ponuđača.

Ugovorni organ je dana 26.11.2020. donio Odluku broj 02-373920, kojom je kao najpovoljnijeg ponuđača odabrao ponudu ponuđača DEFTER d.o.o. kao sljedećeg rangiranog ponuđača. Nakon prijema Odluke o izboru najpovoljnijeg ponuđača, ponuđač DEFTER d.o.o. nije dostavio dokumentaciju u ostavljenom roku (rok je istekao 09.12.2020. godine u 12,00 h) i to Kopiju Rješenja/Uvjerenja/Potvrde nadležne institucije u Bosni i Hercegovini (Federalno Ministarstvo zdravstva ili druga nadležna institucija) o dozvoli za upotrebu i promet u Bosni i Hercegovini proizvoda koji su predmet nabavke.

Shodno članu 72. stav 3. tačka b) Zakona o javnim nabavkama ugovorni organ dostavlja prijedlog ugovora onom ponuđaču čija je ponuda po rang- listi odmah nakon ponude najuspješnijeg ponuđača kada ponuđač propusti da dostavi dokumentaciju koja je bila uslov za potpisivanje ugovora. Kako je istekao rok za dostavu predmetne dokumentacije a ponuđač istu nije dostavio, a nije bilo drugih prihvatljivih ponuda, to je, shodno članu 69. stav 2. tačka d) Zakona odlučeno kao u dispozitivu.

POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti:
 1x ITR d.o.o.
 1x DEFTER d.o.o.
 1x www.inz.ba
 1x arhiva

